

**Служба о́бщая**  
**священному́ ченику Росси́йскому XX ве́ка**  
**еди́ному, архиере́ю или́ иере́ю**  
**ВЕ́ЧЕР**

На Го́споди, воззва́х: стихи́ры, глас 1.

Подобен: Прехва́льнии му́ченицы:

Прехва́льне священному́ чениче и́ мярек,/ ты ни темни́ца  
изнури́ла е́сть,/ ни глад умори́,/ ни озлобле́ния и ра́ны  
смято́ша,/ во е́же разлучи́ти тя от любве́ Бо́жия/ и  
богодарованныя па́сты. / Те́мже Христу́, свя́те, моли́ся/  
дарова́ти Це́ркви на́шей// мир и ве́лию ми́лость.

Всехва́льне священному́ чениче и́ мярек,/ от бра́тний по пло́ти  
страда́ния до кро́ве претерпева́я,/ в себе́ помышля́л еси́,/   
я́ко Го́спода ра́ди умерщвля́еми есмы́ / и несть на́ша брань  
проти́ву пло́ти и кро́ви,/ но к миродержи́телю тьмы ве́ка  
сего́ ./ Те́мже Христу́, свя́те, моли́ся, / дарова́ти земли́  
на́шей// мир и ве́лию ми́лость.

Пресла́вне священному́ чениче и́ мярек,/ ты же́ ртву  
безкро́вную/ пе́рвее благогове́йне соверша́я,/ по́слежде, я́ко  
всепло́дие,/ себе́ сама́го в же́ртву живу́ю прине́сл еси́, /  
моля́, да прости́тся грех богобо́рчества наро́да на́шего./ И  
ны́не Христу́, свя́те, моли́ся/ дарова́ти лю́дем  
росси́йским// мир и ве́лию ми́лость.

**Сла́ва, глас то́йже:**

Це́ркве Росси́йския сла́во/ и Оте́чества на́шего украше́ние,/   
священному́ чениче и́ мярек,/ вла́стию, от Бо́га тебе́  
да́нную,/ руга́тели безбо́жныя облича́л еси́, / и, я́ко во́лки  
лю́тыя, от ста́да твоего́ отгна́л еси́ / и диа́вола посрами́л  
еси́, / кро́вь же твоя́, я́ко А́велева, / от земли́ на́шей вопие́т  
немо́лчно./ Сего́ ра́ди хода́тай на Небеси́ о нас ве́рен  
бу́ди// и моли́ спасти́ся душа́м на́шим.

И ны́не, Богоро́дичен: Всеми́рную сла́ву:

**Вход. Прокли́мен дне. И чте́ния три.**

**Дея́ний святы́х апо́стол чте́ние (глава́ 4):**

Во дни о́ны, глаго́лющим же апо́столом к лю́дем,/ наидо́ша  
на ни́х свяще́нницы и воево́да церко́вный, и саддуке́и, /  
жа́ляще си, за е́же учи́ти им лю́ди и возвеща́ти о Иису́се  
воскресе́ние ме́ртвых;/ и возложи́ша на них ру́ки и  
положи́ша их в соблюде́ние до у́трия:/ бе бо ве́чер уже́ ./  
Мно́зи же от слы́шавших сло́во ве́роваша:/ и бысть число́  
му́жей я́ко ты́сяч пя́ть./ Бысть же нау́трие собра́тися  
князе́м их, и ста́рцем, и кни́жником во Иерусали́м:/ и А́нне  
архиере́ю, и Каиа́фе, и Иоа́нну, и Алекса́ндру, / и ели́цы  
бе́ша от ро́да архиере́йска./ И, поста́вьше их посреде́,  
вопроша́ху:/ ко́ею си́лою, или́ ко́им и́менем сотвори́сте  
сие́ вы? / Тогда́ Петр, испо́лнився Ду́ха Свя́та, рече́ к ним:/  
кня́зи лю́дстии и ста́рцы Изра́илены, / а́ще мы днесь  
истязу́еми есмы́ о благодея́нии челове́ка не́мощна, / о чесо́м

сей спасе́ ся, / разу́ мно бу́ ди всем вам и всем лю́ дем  
Изра́ илевым, / я́ ко во и мя́ Иису́ са Христа́ Назоре́ я, / Его́ же  
вы распя́ сте, / Его́ же Бог воскреси́ от ме́ ртвых, / о Сем сей  
стои́ т пред ва́ ми здрав. / Сей е́сть ка́мень, укорё́ нный от вас,  
зи́ждущих, / бы́ вый во главу́ у́ гла, / и не́сть ни о еди́ ном же  
ино́ м спасе́ ния; / не́сть бо ино́ го и мене́ под небесе́ м, да́ннаго  
в челове́ цех, / о не́ мже подо́ба е́т спасти́ ся нам.

#### Дея́ ний святы́ х апо́ стол чте́ ние (глава́ 4):

Во дни о́ ны, ви́ дяще иуде́ и Петро́ во дерзнове́ ние и  
Иоа́нново и разуме́ вше, / я́ ко челове́ ка некни́ жна е́ста и  
про́ ста, дивля́ хуся, / зна́ ху же их, я́ ко со Иису́ сом бе́ ста; /  
ви́ дяще же исцеле́ вшаго челове́ ка с ни́ ма стоя́ ща, / ничто́ же  
имя́ ху проти́ ву рещи́ . / Повеле́ вше же и́ ма вон из со́ нмища  
изы́ ти, / стяза́ хуся ко друг дру́ гу, глаго́ люще: / что сотвори́ м  
челове́ кома си́ ма? / Я́ ко у бо наро́ чное зна́ мение бы́сть  
и́ ма, / всем живу́ щим во Иерусали́ ме я́ ве, / и не мо́ жем  
отврати́ ся; / но да не бо́ лее простре́ тся в лю́ дех, / пре́ щением  
да запрети́ м и́ ма ктому́ не глаго́ лати о и́ мени сем ни  
еди́ ному от челове́ к. / И призва́ вше их, / запове́ даша и́ ма  
отню́ дь не провещава́ ти, ниже́ учи́ ти о и́ мени Иису́ сове. /  
Петр же и Иоа́нн, отве́ щая к ним, ре́ ста: / а́ ще пра́ ведно  
е́сть пред Бо́ гом / вас послу́ шати па́ че, не́ жели Бо́ га? /  
Суди́ те: не мо́ жем бо мы, я́ же ви́ дехом и слы́ шахом, не  
глаго́ лати. / Они́ же, призапре́ щше и́ ма, пусти́ ша я, /  
ничто́ же обре́ тше, ка́ ко му́ чити их, люде́ й ра́ ди, / я́ ко вси  
прославля́ ху Бо́ га о бы́ вшем: / лет бо́ бя́ ше мно́ жае  
четы́ редсяти́ челове́ к той, / на не́ мже бы́сть чу́ до сие́  
исцеле́ ния.

#### Дея́ ний святы́ х апо́ стол чте́ ние (глава́ 4):

Во дни о́ ны, отпу́ ще на бы́ вша апо́ стола приидо́ ста ко свои́ м  
и возвести́ ста, / ели́ ка к ни́ ма архиере́ и и ста́ рцы ре́ ша. /  
Они́ же, слы́ шавше, единоду́ шно воздвиго́ ша глас к Бо́ гу и  
реко́ ша: / Влады́ ко, Ты, Бо́ же, сотвори́ вый не́ бо и зе́ млю и  
мо́ ре и вся, я́ же в них, / И́ же усты́ Дави́ да, о тро́ ка Твоего́ ,  
рече́ : / вску́ ю шата́ шася я́ зы цы и лю́ дие поучи́ шася  
тще́ тным? / Предста́ ша ца́ рие зе́ мстии, / и кня́ зи собра́ шася  
вку́ пе на Го́ спода и на Христа́ Его́ . / Собра́ шася бо вой́ стину  
во гра́ де сем на свята́ го О́ тро́ ка Твоего́ Иису́ са, / Его́ же  
пома́ зал еси́ , / И́ род же и Понти́ йский Пила́ т, с я́ зы ки и  
людьми́ изра́ илевыми, / сотвори́ ти, ели́ ка рука́ Твоя́ и сове́ т  
Твой предна́ рече́ бы́ ти. / И ны́ не, Го́ споди, при́ зри на  
пре́ щения их / и даждь рабо́ м Твои́ м со вся́ ким дерзнове́ нием  
глаго́ лати сло́ во Твое́ , / внегда́ ру́ ку Твою́ простре́ ти Ти во  
исцеле́ ния, / и зна́ мением и чуде́ се м бы́ ва ти и́ менем святы́ м  
О́ тро́ ка Твоего́ Иису́ са. / И помоли́ вшимся им, подви́ жеся  
ме́ сто, иде́ же бя́ ху со́ брани, / и испо́ лнишася вси́ Ду́ ха  
Свя́ та, / и глаго́ лаху сло́ во Бо́ жие со дерзнове́ нием.

На стихо́ вне стихи́ ры, глас 6.

Подо́ бен: Тридне́ вен:

Сто́лп непоколеби́ мый Ру́ сския Це́ ркви был еси́ ,/ гоне́ ния лю́ тая претерпева́ я,/ день и но́щь в моли́ тве подвиза́ лся еси́ ,/ свяще́ нному че́ нице и мярек,/ огне́ м ре́ вности и ду́ хом кро́ тости/ па́ ству твою́ ко Христу́ путево́ дя ,// тем тя лю́ бо вию почита́ ем.

Стих: Свяще́ нницы Твоя́ облеку́ тся в пра́ вду// и преподо́ бнии Твои́ возра́ дуются.

Ве́ рен Бо́ гу и Це́ ркви был еси́ да́ же до сме́ рти,/ свяще́ нному че́ нице и мярек,/ ны́ не же, с ли́ ки новому́ че́ ник и испове́ дников Росси́ йских/ предста́ Христу́ Царю́ ,/ моли́ ся с ни́ ми приле́ жно/ дарова́ ти нам мир// и ве́ лию ми́ лость.

Стих: Честна́ пред Го́ сподем// сме́ рть преподо́ бных Его́ . Душе́ вная и теле́ сная страда́ ния твоя́ / и сме́ рть за Го́ спода во́ льная от безбо́ жных/ отверзо́ ша ти, свя́ те и мярек,/ врата́ жи́ зни ве́ чныя/ и укрепи́ ша бра́ тий твои́ х испове́ дати Христа́ ./ Те́ мже Ему́ моли́ ся при́ сно,// да утверди́ тся Правосла́ вие на Руси́ во ве́ ки.

**Сла́ ва, глас 4:**

А́ нгели страда́ нием твои́ м дивля́ хуся,/ и Це́ рковь Небе́ сная ра́ достно тя прия́ т,/ достохва́ льне и мярек./ Ны́ не же, свяще́ нней ру́ це твои́ / к Престо́ лу Святы́ я Тро́ ицы простира́ я,/ помина́ й зе́ млю Ру́ сскую,/ ю́ же возлюби́ л еси́ ,// моля́ о спасе́ нии сла́ вящих тя благоче́ стно.

**И ны́ не, Богоро́ дичен, глас то́ йже:**

При́ зри на моле́ ния Твои́ х раб, Всенепоро́ чная,/ и вся́ кия ско́ рби изба́ ви зе́ млю Ру́ сскую,/ до́ м Твой наре́ че нную/ и кровью́ новому́ че́ ник освяще́ нную./ Да не постыди́ мся, Влады́ чице Держа́ вная,/ Ты призыва́ ющи,/ Ты бо еси́ правосла́ вных по́ мощь,/ ра́ дость и покро́ в// и спасе́ ние душ на́ ших.

**Тропа́ рь, глас 3:**

Це́ ркви Ру́ сския сто́ лпе непоколеби́ мый,/ благоче́ стия пра́ вило,/ жития́ ева́ нгельскаго о́ бразе,/ свяще́ нному че́ нице и мярек,/ Христа́ ра́ ди пострада́ вый да́ же до кро́ ве,/ Его́ же моли́ усе́ рдно,/ я́ ко Нача́ льника и Соверши́ теля́ спасе́ ния,/ Русь Святу́ ю утверди́ ти в Правосла́ вии// до сконча́ ния ве́ ка.

**НА У́ ТРЕНИ**

**По 1-м стихосло́ вии седа́ лен, глас 6:**

Сквозе́ огнь муче́ ния, я́ ко свиде́ тель ве́ рный, проше́ л еси́ ,/ блаже́ нне и мярек,/ сего́ ра́ ди с ли́ ки святы́ х земли́ Ру́ сския/ в Небе́ снем Оте́ честве торжеству́ еши./ Помози́ и нам бы́ ти ве́ рным Христу́ и спасти́ ся душа́ м на́ шим.

**Сла́ ва, и ны́ не, Богоро́ дичен:**

О Всепе́ тая Де́ во,/ Ты ве́ мы Покро́ в земли́ Ру́ сския,/ Тебе́ бо, гре́ шнии, и ма́мы предста́ тельство,/ Тебе́ стяжа́ хом в напа́ стех спасе́ ние,/ Еди́ ну Всенепоро́ чную.

**По 2-м стихосло́ вии седа́ лен, глас 2:**

Боле́ зньми и страда́нии твои́ми, священному́ чениче  
и мяре́к,/ Бо́га просла́вил еси́ / и хода́тай ве́рный о нас  
яви́лся еси́ ./ Сего́ ра́ди сло́вную вопие́м ти:/ не преста́й  
моли́тися о чту́щих святу́ю па́мь твою́ .

**Сла́ва, и ны́не, Богоро́дичен:**

Моли́твеннице те́плая, Засту́пнице ро́да христиа́нского,/  
приими́ моле́ния раб Твои́х/ и осени́ Русь Правосла́вную  
покро́вом Твоея́ бла́гости.

**Велича́ние:**

Велича́ем тя,/ священному́ чениче и мяре́к,/ и чтим честна́я  
страда́ния твоя́ ,/ я́же за Христа́ во утвержде́ние на Руси́  
Правосла́вия// претерпе́л еси́ .

**Псалом избра́нный:**

1-й лик: Бог нам Прибе́жище и Си́ла.

2-й лик: Го́споди, воздви́гни си́лу Твою́ и прииди́ , во е́же  
спасти́ ны.

1-й лик: Глаго́лах о свиде́ниях Твои́х пред ца́ри и не  
стыдя́хся.

2-й лик: Все язы́цы обыдо́ша мя, и и́менем Госпо́дним  
противля́хся им.

1-й лик: Тебе́ ра́ди умерщвля́емся весь день, вмени́хомся я́ко  
о́вцы заколе́ния.

2-й лик: Кре́пость моя́ и пе́ние мое́ Госпо́дь и бысть мне во  
спаса́ние.

**По полиеле́и седа́лен, глас 1:**

До́брий страда́льче и служи́телю Та́ин Бо́жих,/   
священному́ чениче и мяре́к,/ Це́ркве Ру́сския похвало́ и  
утвержде́ние,/ ны́не, пра́зднующе твою́ па́мь,/ Бо́гу,  
просла́вльшему тя, благода́рственно вопие́м: / сла́ва Да́вшему  
ти кре́пость во страда́ниях,/ сла́ва Венча́вшему тя,/ сла́ва  
Спаса́ющему нас твои́ми моли́твами.

**Сла́ва, и ны́не, Богоро́дичен:**

Предста́тельница те́плая и Засту́пнице усе́рдная,/ в годи́ну  
безбо́жия от коне́чныя поги́бели/ зе́млю Ру́сскую  
изба́вльшая всемо́щным хода́тайством к Сы́ну Твоему́ ,/ и  
ны́не не оста́ви нас моли́твами Твои́ми, Влады́чице  
Богоро́дице.

Степе́нна, 1-й антифо́н 4-го гла́са. Проки́мен, глас 4:

Проидо́хом сквозе́ огнь и во́ду, // и изве́л еси́ ны в поко́й.

Стих: Разже́гл ны еси́ , я́коже разжиза́ется серебро́ . Вся́кое  
дыха́ние: Ева́нгелие от Матфе́я, зача́ло 36.

**По 50-м псалме́ стихи́ра, глас 6:**

Егда́ попусти́ Госпо́дь по грехо́м на́шим/ братоуби́йство,  
гоне́ния и ве́ры Христо́вы поруга́ние,/ ты,  
священному́ чениче и мяре́к,/ Це́ркве Росси́йския столп  
непоколеби́мый яви́лся еси́ / и, кровь свою́ за Христа́  
пролия́в,/ па́ству во еди́нстве соблю́л еси́ ./ Ны́не же, на

Небеси́ предстоя́ с ли́ки новому́ чеников, // моли́ спасти́ ся  
душа́ м на́ шим.

#### Кано́н, глас 4.

##### Песнь 1

Ирмо́с: Мо́ря чермну́ю пучи́ну/ невла́жными стопа́ми/  
дре́вний пешеше́ствовав Изра́иль,/ крестообра́зными  
Моисе́овыма рука́ма// Амали́кову си́лу в пусты́ни победи́л  
есть.

Во́ли Бо́жией послушли́ в бы́в,/ святы́тельства жезл [или́:  
свяще́нства дар] прия́л еси́, священному́ чениче и́мярек,/ и,  
за Христа́ да́же до сме́рти пострада́в,/ ве́рный сын Це́ркве  
яви́лся еси́.

Изгна́ние и разлуче́ние с па́ствою твое́ю му́жественне  
претерпе́л еси́, священному́ чениче и́мярек,/ но ничто́ же  
возмо́же разлучи́ти тя от любви́ Бо́жия.

Безбоя́зненно пропове́довал еси́ лю́дем пока́ние,  
священному́ чениче и́мярек,/ да обратя́т сердца́ своя́ к Бо́гу/  
и то́кмо на Него́ в ско́рбех и лише́ниях упова́ние и́мут.  
Богоро́дичен: Ма́ти Бо́жия,/ дом Тво́й, Свята́я Русь, мо́лит  
Тя:/ изба́ви лю́ди Твоя́ от вся́кия ну́жды и ве́чнаго  
осужде́ния.

##### Песнь 3

Ирмо́с: Весели́тся о Тебе́ Це́рковь Твоя́, Христе́, зову́щи:/  
Ты моя́ кре́пость, Го́споди, // и прибе́жище, и утвержде́ние.  
Егда́ прии́де испыта́ние ве́ры твоея́, священному́ чениче  
и́мярек,/ страда́ние за Христа́, я́ко благода́тный дар, прия́л  
еси́ / и кро́вию твое́ю Ру́сскую зе́млю обагри́л еси́.

Егда́ прии́де гоне́ние от безбо́жных,/ столп непоколеби́м  
Rúсския Це́ркве яви́лся еси́, священному́ чениче и́мярек,  
святы́х, я́ко бли́жних сро́дник, в по́мощь призыва́я,/ с  
ни́миже ку́пно ны́не прославля́ешься.

А́ще и умерщвле́н был еси́ те́лом, священному́ чениче  
и́мярек,/ оба́че ду́хом ко́зни диа́вольския посрами́л еси́, /  
име́я Христа́ прибе́жище и утвержде́ние.

Богоро́дичен: Тя Предста́тельница, Пречи́стая Де́во, мо́лим:/  
предложи́ на́шу печа́ль на ра́дость и ско́рби належа́щая  
изба́ви, Засту́пнице на́ша.

##### Седа́лен, глас 3:

Заве́ты испове́дников и священному́ чеников Христо́вых  
восприе́м,/ ду́шу твою́ за ве́ру Правосла́вную положи́л еси́,  
свя́те,/ е́юже утвержда́ется земля́ Rúсская./ Сего́ ра́ди  
моли́ся, священному́ чениче и́мярек,/ любо́вию чту́щим тя  
ве́рным Христу́ до конца́ бы́ти.

##### Сла́ва, и ны́не, Богоро́дичен:

Не и́мамы ина́го прибе́жища, ра́зве Тебе́, Богоро́дице./  
Оте́чества на́шего усе́рдная Засту́пнице:/ всяк бо, счита́яй  
Тя, наде́жду обрета́ет.

##### Песнь 4

Ирмо́с: Вознесе́ на Тя ви́ девши Це́ рковь на Кресте́ ,/ Со́ лнце  
Пра́ вное,/ ста в чи не свое́ м,/ досто́ йно зыва́ ющи:// сла́ ва  
си́ ле Твое́ й, Го́ споди.

Да не дерза́ ют язы́ цы рещи́ : где есть Бог ваш?/ Кровь бо  
новому́ чеников от земли́ на шея́ вопие́ т:/ Го́ споди, Госпо́ дь  
наш, я́ ко чу́ дно и мя́ Твое́ по всей Ру́ сстей земли́ .

И́ мже о́ бразом жела́ ет еле́ нь на исто́ чники водны́ я,/ си́ це  
ты, страстоте́ рпче и мярек, к живоно́ сным страда́ нию за  
Христа́ прите́ кл еси́ ,/ и миже при́ сно свяще́ нно  
обновля́ ется лице́ земли́ Ру́ сския.

Вся земна́ я ни во что вмени́ в Христа́ ра́ ди,/ сло́ вом и  
житие́ м, священному́ чениче и мярек, ве́ рных поуча́ л еси́ :/ о  
Бо́ же сотвори́ м си́ лу,/ и Той уничижи́ т стужа́ ющия нам.  
Богоро́ дичен: Стена́ необори́ мая и Покро́ в всемо́ щный  
Росси́ йским новому́ чеником яви́ лася еси́ , Пресвята́ я Де́ во,/  
те́ мже Тя велича́ ем.

### Песнь 5

Ирмо́с: Ты, Го́ споди мой,/ Свет в мир прише́ л еси́ ,/ Свет  
Святы́ й, обраща́ яй из мра́ чна неве́ деня// ве́ рою  
воспева́ ющия Тя.

Я́ ко луч Со́ лнца Пра́ вды яви́ лся еси́ , священному́ чениче  
и мярек,/ и страда́ ньями твои́ ми мглу́ безбо́ жия над  
Оте́ чеством на́ шим разсе́ ял еси́ .

Егда́ безбо́ жнии тща́ хуся сокры́ ти тя в темни́ це,  
священному́ чениче и мярек,/ Госпо́ дь яви́ тя испове́ дника  
Своего́ всем конце́ м земли́ Ру́ сския.

Ру́ сския Це́ ркве свети́ льниче свяще́ нный и мярек,/ кровьми́  
му́ ченическими неугаси́ мо светя́ й и у Престо́ ла Бо́ жия  
предстоя́ й,/ моли́ ся о́ чту́ щих тя.

Богоро́ дичен: И́ же от Де́ вы неизрече́ нно рожде́ йся,  
Го́ споди,/ сохрани́ моли́ твами́ Ея́ Це́ рковь Твою́ ,/ Тебе́  
сла́ вящую правосла́ вными гла́ сы.

### Песнь 6

Ирмо́с: Пожру́ Ти со гла́ сом хвале́ ния, Го́ споди,/ Це́ рковь  
вопие́ т Ти,/ от бесо́ вския кро́ ве очи́ щися/ ра́ ди ми́ лости от  
ребр Твои́ х// исте́ кшею Кро́ вию.

Воспри́ м меч духо́ вный, и́ же есть глаго́ л Бо́ жий,/  
безбо́ жных ко́ зни сокруши́ л еси́ , священному́ чениче  
и мярек,/ и вся разжже́ нная стре́ лы лука́ ваго угаси́ л еси́  
щито́ м ве́ ры Правосла́ вныя.

Во святы́ телех [или́ : свяще́ нницех] благоче́ стно пожи́ в и  
муче́ ния путь терпели́ во воспри́ м,/ сугу́ бою мзду на Небесе́ х  
обре́ л еси́ , священному́ чениче и мярек,/ иде́ же ева́ нгельски  
при́ сно ра́ дуеши́ ся и весели́ шися.

Ничто́ же возмо́ же разлучи́ ти тя, богоприя́ тне, от любве́  
Христо́ вы:/ ни скорбь, ни го́ не ние, ни смерть,/ вся бо сия́  
си́ лою Возлю́ бльшаго тя Го́ спода препобеди́ л еси́ ,  
священному́ чениче.

Богоро́ дичен: Пое́ м Тя, Предста́ тельнице те́ пляя и  
Засту́ пнице христиа́ н, Богоро́ дице Всепе́ тая,/ я́ ко со все́ ми  
святы́ ми земли́ Ру́ сския мо́ лиши Сы́ на Твоего́ и Бо́ га  
на́ шего/ обрести́ нам ве́ лию ми́ лость.

### Конда́ к, глас 2:

Восхва́ лим, ве́ рнии,/ изря́ днаго во святы́ телех [или́ :  
свяще́ нницех]/ и сла́ внаго в му́ ченицех и́ мярек,/  
Правосла́ вия побо́ рника и благоче́ стия ревни́ теля,/ земли́  
Ру́ сския кра́ сное прозябе́ ние,/ и же страда́ нием Небесе́  
дости́ же/ и та́ мо те́ пле мо́ лит Христа́ Бо́ га// спасти́ ся  
душа́ м на́ шим.

### И́ кос:

Красу́ йся и лику́ й, Це́ рковь Ру́ сская,/ я́ ко благопло́ дная  
лоза́ свяще́ ннаго страда́ льца израсти́ вшая,/ добропобе́ дным  
муче́ нием сердца́ ве́ рных укрепи́ вшаго,/ за поведи́ Госпо́ дни  
испо́ лнившаго и при́ сно ева́ нгельски учи́ вшаго:/ прииди́ те,  
ча́ да, послу́ шайте мене́ ,/ не убо́ йтесь от убива́ ющих те́ ло,  
души́ же не могу́ щих уби́ ти,/ убо́ йтесь же па́ че могу́ щаго  
ду́ шу и те́ ло погуби́ ти в ге́ нне./ Те́ мже, священному́ чениче  
и́ мярек, моли́ Христа́ Бо́ га спасти́ ся душа́ м на́ шим.

### Песнь 7

Ирмо́ с: В печи́ авраа́ мстии о́ троцы перси́ дстей,/ любо́ вию  
благоче́ стия па́ че,/ не жели́ пла́ менем, опаля́ еми, взыва́ ху://  
благослове́ н еси́ в хра́ ме сла́ вы Твоея́ , Го́ споди.  
Я́ ко трие́ о́ троцы, в печи́ вавило́ нстей пла́ менем объа́ тии,  
моли́ твою не сгара́ ху,/ та́ ко ты, священному́ чениче и́ мярек,  
во огни́ муче́ ний благода́ тию ве́ ру сохрани́ л еси́ ./ Сего́  
ра́ ди ны́ не с новому́ ченики Росси́ йскими лику́ еши:/  
благослове́ н еси́ , Бо́ же отце́ в земли́ на́ шея.  
Я́ коже дре́ вле о́ троцы, в печи́ неопаля́ емии, злато́ му  
истука́ ну не поклони́ шася,/ та́ ко же и ты, священному́ чениче  
и́ мярек, огне́ м муче́ ний неопаля́ емь,/ безбо́ жие  
небоа́ зненно облича́ л еси́ , взыва́ я с новому́ ченики  
Росси́ йскими:/ благослове́ н еси́ , Бо́ же отце́ в земли́ на́ шея.  
Же́ ртву живу́ ю и всесожже́ ние Творцу́ себе́ сама́ го принося́ ,  
священному́ чениче и́ мярек,/ с новому́ ченики Росси́ йскими  
воспева́ л еси́ :/ могу́ щии, покая́ йтесь, я́ ко с на́ ми Бог отце́ в  
земли́ на́ шея.

Богоро́ дичен: Я́ же па́ че ума́ и естества́ Бо́ га ро́ ждши,  
Неискусому́ жная Мари́ е,/ чту́ щия Тя от враг ви́ димых и  
неви́ димых изба́ ви,/ Ты бо еси́ земли́ отце́ в на́ ших  
Держа́ ва необори́ мая.

### Песнь 8

Ирмо́ с: Ру́ це распроте́ р, Дании́ л/ львов зия́ ния в ро́ ве  
затче́ ;/ о́ гненную же си́ лу угаси́ ша,/ доброе́ телию  
препоя́ савшеся,/ благоче́ стия рачи́ тели о́ троцы, взыва́ юще://  
благослови́ те, вся дела́ Госпо́ дня, Го́ спода.



Зе́млю Ру́сскую, безбо́жными гоне́нии неща́дно жего́мую,/   
 слеза́ми и крове́ми твои́ми напои́л еси́, священному́чениче   
 и мярек,/ сего́ ради плоды́ ве́ры, ча́да церко́вная,   
 возрасти́л еси́.

Зло́бы мучи́телей не убоя́лся еси́, / огне́м любви́   
 Боже́ственныя ты́я препобеди́в, / те́мже благода́ть моли́тися   
 о нас стяжа́л еси́, священному́чениче и мярек, достохва́льне.   
 Благословля́я гони́телей твои́х, блаже́нне и мярек, / усе́рдно   
 моли́лся еси́ за них, / да пока́ются и ку́пно с ве́рными   
 бра́тиями благослова́т Го́спода.

Богоро́дичен: Христа́ зря́щи умерщвля́ема, Многопе́тая   
 Влады́чица, / и ви́дящи исполне́ние Си́меонова прорече́ния,   
 слеза́щи взыва́ше: / благослове́н еси́, Бо́же, во ве́ки.

### Песнь 9

Ирмо́с: Ка́мень нерукосе́чный / от несеко́мья горы́, Тебе́,   
 Де́во, / краеуго́льный отсече́ся, / Христо́с, совокупи́вый   
 разстоя́щаяся естества́. // Тем, веселя́щися, Тя, Богоро́дице,   
 велича́ем.

Рука́ми беззако́нных убие́н, / же́ртва благоприя́тная и   
 во́льное заколе́ние Бо́гу прине́слся еси́, свя́тче Бо́жий   
 и мярек. / Тем благода́рне па́мять твою́ почита́ем.   
 Госпо́дь, исполня́я смотре́ние Свое́ о Це́ркви Ру́стей, /   
 засту́пника́ тя, священному́чениче и мярек, соде́ла. / Те́мже   
 моли́ся Ему́, во благоче́стии нам пребыва́ти и спасти́ся   
 душа́м на́шим.

О бе́здна бла́гости Бо́жия! / Дарова́ бо Бог возлю́бленным   
 Свои́м ве́ры ради пострада́ти / и ты, священному́чениче   
 и мярек, / я́ко плод кра́сный спаси́тельного се́яния, избра́от   
 земли́ Ру́сския.

Богоро́дичен: Разори́ сове́ты вся, на ны вооруже́нныя, Ма́ти   
 Бо́га Вы́шняго, / и ра́дости испо́лни упова́ющия на Тя, / да   
 усе́рдно вси Твое́ пропове́дуем застуже́ние.

### Свети́лен:

Па́ству хле́бом сло́ва Бо́жия насыща́я / и вино́м   
 пре́му дрости свяще́нныя напоя́я, / теплото́ю любви́ твоея́   
 да́ры сия́ раствори́л еси́, священному́чениче и мярек. / И   
 ны́ не высо́ким пропове́данием веща́еши ча́дом Це́ркве   
 Ру́сския: / присту́пите ко Го́споду, и просвети́теся, / и ли́ца   
 ва́ша не постыдя́тся.

### Сла́ва, и ны́не, Богоро́дичен:

О Тебе́ мы хва́лимся, Богороди́тельнице, / и к Бо́гу Тя и́мамы   
 Предста́тельство, / прости́ру́ку Твою́ необори́мую / и   
 сокруши́ враги́ Це́ркве Ру́сския.

### На хвали́тех стихи́ры, глас 4.

Подобен: Дал еси́ зна́мение:

Дал еси́ зна́мение / земли́ Ру́стей, Го́споди, /   
 священному́ченика, уго́дника Твоего́, и мярек, / я́ко да тем   
 умоле́н быва́я, / отврати́ши пра́ведный Твой гнев, / и не



поги́бнет свята́я/ и боголюби́вая Русь// предста́тельством  
но́ваго страстоте рща.  
Же́ртву хвале́ния/ при́сно Го́сподеви принося́,/ /  
священному́ чени́че и мяре́к,/ в коне́ц сама́го себе́ / в же́ртву  
жи́ву и свя́ту,/ благоуго́дну и соверше́нну предста́вил еси́,/ /  
те́мже ти ве́рно вопие́м:/ благоприя́тны сотвори́ моли́твы  
на́ша// о благостоя́нии Це́ркве Ру́сская.  
Предста́телю Це́ркве Ру́сская,/ священному́ чени́че и мяре́к  
всехва́льне,/ вы́ну зряй Лице́ Го́спода на Небесе́х,/ не  
пре́зри ни еди́наго/ от ма́лых чад ея́,/ но ра́достно покая́ние  
на́ше приими́ / и моли́ при́сно// сыново́м Росси́йским  
спасти́ ся.

### Сла́ва, глас 8.

Подобен: О, пресла́внаго чудесе́ :  
О, пресла́внаго чудесе́ !/ Я́ко крин посреде́ те́рния,/ в  
страда́ниих за Христа́ процве́л еси́ , священному́ чени́че  
и мяре́к,/ да не затми́тся в земли́ на́шей свет Правосла́вия/ во  
откро́вение язы́ком и сла́ву наро́да Ру́сского./ И ны́не, в  
седе́ниих ра́йских пребыва́я,/ неувяда́емо благоуха́еши//  
ве́ре твое́й подража́ющим.

### И ны́не, глас и подобен то́йже:

О, пресла́внаго чудесе́ !/ Небесе́ и земли́ Цари́ца, / от святы́х  
сро́дников на́ших умоля́емая, / до ны́не не зе́млю Ру́сскую  
покрыва́ет / и ли́ка Своего́ изображе́нии ми́лостивно  
обогаща́ет. / О Влады́чице Держа́вная! / Не преста́ни и на  
бу́дущее вре́мя / во утвержде́нии на Руси́ Правосла́вия//  
ми́лости и чудеса́ излива́ти до ве́ка. Ами́нь.

### Славосло́вие вели́кое. И отпу́ст.

#### НА ЛИТУРГИ́И

Блаже́нна от кано́на, пе́снь 3-я и 6-я.  
Проки́мен, глас 7: Честна́ пред Го́сподем// смерть  
преподо́бных Его́ . Стих: Что возда́м Го́сподеви о всех, я́же  
воздаде́ ми?  
Апо́стол к Ри́мляном, зача́ло 99.  
Аллилу́ия, глас 2: Свяще́нницы Твои́ облеку́тся в пра́вду, и  
преподо́бнии Твои́ возра́дуются. Стих: Бог нам Прибе́жище и  
Си́ла, Помо́щник в ско́рбех, обре́тших ны́ зело́ .  
Ева́нгелие от Луки́ , зача́ло 106. Коне́ц: В терпе́нии ва́шем  
стяжи́те душа́ ва́ша.  
Прича́стен: В па́мять ве́чную бу́дет пра́ведник:

### Моли́тва

О избра́нниче и уго́днике Христо́в, священному́ чени́че  
и мяре́к, Це́ркве Ру́сская сто́лпе непоколеби́мый, земли́  
на́шей благо́е прозябе́ние и кра́сный плод, сро́дников твои́х  
предста́телю и наста́вниче! Ты во вре́мя гоне́ния безбо́жнаго  
от сокро́вищницы души́ твоея́ спаси́тельное испове́дание  
Правосла́вныя ве́ры изне́сл еси́ , и лю́дем ве́рным па́стырь  
до́брый яви́лся еси́ , ду́шу твою́ за Христа́ и Его́ о́вцы

полага́я и лю́бя во́лки дале́че отгона́я. Ны́не у́бо при́зри  
на нас, недосто́йных чад твои́х, умиле́нною душе́ю и  
сокруше́нным се́рдцем ты призыва́ющих. Умоли́ Го́спода  
Бо́га, да прости́т согреше́ния на́ша и изба́вит от а́довых уз и  
ве́чнаго муче́ния. Утверди́ нас в ве́ре святе́й, научи́ нас  
всегда́ твори́ти во́лю Бо́жию и храни́ти заповеди́  
церко́вныя. Бу́ди па́стырем на́шим пра́вило ве́ры, во́ином  
вождь духо́вный, боля́щим врач изря́дный, печа́льным  
уте́шитель, гони́мым заступник, ю́ным наста́вник, всем же  
благосе́рдый оте́ц и те́плый моли́твенник, я́ко да  
моли́твами твои́ми соблюде́тся в Правосла́вии Свята́я Русь и  
непреста́нно сла́вится в ней и́мя Пресвяты́я Тро́ицы, Отца́,  
и Сы́на, и Свята́го Ду́ха, во ве́ки веко́в. Ами́нь.



**Служба общая священномученику Российскому XX века  
единому составлена Синодальной Богослужебной  
комиссией и утверждена Святейшим Патриархом  
Московским и всея Руси Алексием II и Священным  
Синодом 26 декабря 2003 года.**